

四庫全書

集部

欽定四庫全書

集部

才調集卷

三

詳校官中書臣陸湘

助教臣常循覆勘

覆校官中書臣汪師曾

校對官原集簿臣郭祚熾

賸錄監生臣金國禮

欽定四庫全書

才調集卷三目錄

韋莊

六十三首

出關

長安舊里

思歸

與東吳生相遇

章臺夜思

延興門外作

關河道中

秋日蚤行

歎落花

灞陵道中

貴公子

憶昔

春日

對梨花贈皇甫秀才

立春

春陌

又

春愁

又

陪金陵府相中堂夜宴

臺城

歲晏同左生作

夜雪泛舟遊南溪

謁巫山廟

鷓鴣

歲除對王秀才作

章江作

南昌晚眺

衢州江上別李秀才

癸丑年下第獻新先輩

咸陽懷古

綏州作

和同年韋學士華下途中見寄

丙辰年鄜州遇寒食城外醉吟

又

又

又

又

鄜州留別張員外

汧陽縣閣

傷灼灼

漢州

長安清明

秋霽晚景

和人春莫書事寄崔秀才

古離別

邊上逢薛秀才話舊

飲散呈主人

使院黃葵花

搖落

奉和觀察郎中春莫憶花言懷見寄四韵之什
奉和左司郎中春物暗度感而成章

少年行

令狐亭

閨月

閨怨

上春詞

擣練篇

雜體聯錦

長安春

撫盈歌

贈峨嵋山彈琴李處士

江皋贈別

李山甫

八首

寒食

又

牡丹

寓懷

公子家

又

上元懷古

又

李洞

五首

終南山二十韻

斃驢

贈龐鍊師

客庭對月

病猿

薛逢

一首

題昭華公主廢池館

裴庭裕

一首

偶題

李昂

一首

戚夫人楚舞歌

沈佺期

二首

古意呈喬補闕知之

雜詩

王冷然一首

題河邊枯柳

何扶一首

送閬州妓人歸老

汪遵一首

一題李大尉平泉莊

高適一首

燕歌行

孟郊一首

古結愛

陸龜蒙

五首

汝墳湖

宿木蘭院

薔薇

春夕酒醒

齊梁怨別

張籍七首

寄遠客

宿溪中驛

惜別

襄國別人

送蜀客

送友人盧處士遊吳越

蘓州江岸留別樂天

曹鄴

二首

故人寄茶

始皇陵下作

金匱四庫全書

卷三目錄

欽定四庫全書

才調集卷三

唐 韋縠 撰

韋莊

十首

出關

或
關山行

馬嘶煙岸柳陰斜
回首關山路轉賒
到處因循緣嗜酒
一生惆悵為判花
危時祇合身無主
白日那堪事有涯
正是灞陵春酌綠
仲宣何事獨辭家

長安舊里

滿目牆垣春草深傷時傷事更傷心車輪馬迹今何在

十二 玉樓無處尋

思歸

暖絲無力自悠悠牽引東風斷客腸外地見花終寂寞
異鄉聞樂更淒涼紅垂野岸櫻還熟綠染迴汀草又芳
舊里若為歸去好子期凋謝呂安亡

與東吳生相遇

十年身事各如萍白首相逢淚滿纓老去不知花有態

亂來惟覺酒多情貧疑陋巷春偏少貴想豪家月最明
獨對一尊開口笑未衰應見泰階平

章臺夜思

清瑟怨遙夜繞絃風雨哀孤燈聞楚角殘月下章臺芳
草已云莫故人殊未來鄉書不可寄秋雁又南迴

延興門外作

芳草五陵道美人金犢車綠奔穿內水紅落過牆花馬
足倦遊客鳥聲歡酒家王孫歸去晚宮樹欲栖鴉

關河道中

槐柏蟬聲柳市風驛樓高倚夕陽東往來千里路長在
聚散十年人不同但見時光流似箭豈知天道曲如弓
平生志業匡堯舜又擬滄浪學釣翁

秋日蚤行

上馬蕭蕭襟袖涼路穿禾黍繞宮牆半山殘月露華冷
一岸野風蓮萼香煙外驛樓紅隱隱渚邊雲樹暗蒼蒼
行人自是心如火免走鳥飛不覺長

歎落花

一夜霏微露濕煙曉來和淚喪蟬娟不隨殘雪埋芳草
盡逐香風上舞筵西子去時遺笑靨謝娥行處落金鉏
飄紅墮白堪惆悵少別穠華又隔年

灞陵道中

春橋南望水溶溶一桁晴山倒碧峰秦苑落花零露濕
灞陵新酒撥醅濃青龍天橋盤雙闕丹鳳襯褪隔九重
萬古行人離別地不堪吟罷夕陽鐘

貴公子

大道青樓御苑東玉闌仙杏壓枝紅金鈴犬吠梧桐月
朱鬢馬嘶楊柳風流水帶花穿巷陌夕陽和樹入簾籠
瑤池宴罷歸來醉笑說君王在月宮

憶昔

昔年曾向五陵遊子夜清歌月滿樓銀燭樹前長似畫
露桃花裏不知秋西園公子名無忌南國佳人號莫愁
今日亂離俱是夢夕陽惟見水東流

春日

忽覺東風景漸遲
野梅山杏暗芳菲
落星樓上吹殘角
偃月營中挂夕暉
旅夢亂隨蝴蝶散
離魂漸逐杜鵑飛
紅塵遮斷長安陌
芳草王孫莫不歸

對梨花贈皇甫秀才

林上梨花雪壓枝
獨攀瓊艷不勝悲
依前此地逢君處
還是去年今日時
且戀殘陽留綺席
莫推紅袖訴金卮
騰騰戰鼓正多事
須信明朝難重持

立春

青帝東來日馭遲
煙輕逐曉風吹
罽袍公子尊前覺
錦帳佳人夢裏知
雪圃乍開紅菜甲
綵幡新剪綠楊絲
殷勤為作宜春曲
題向花牋帖繡楣

春陌

滿街芳草卓香車
仙子門前白日斜
腸斷東風各迴首
一枝春雪凍梅花

又

嫩煙輕染柳絲黃
勾引花枝笑凭牆
馬上王孫莫回首
好風偏逐羽林郎

春愁

自有春愁正斷魂
不堪芳草思王孫
落花寂寂黃昏雨
深院無人獨倚門

春愁

寓思本多傷
逢春恨更長
露霑湘竹淚
花墮越梅粧
睡怯交加夢
閒傾瀲觴
後庭人不到
斜月上松篁

陪金陵府相中堂夜宴

滿耳笙歌滿眼花
滿樓珠翠勝吳娃
因知海上神仙窟
只似人間富貴家
繡戶夜攢紅燭市
舞衣晴曳碧天霞
却愁宴罷青娥散
楊子江頭月半斜

臺城

江雨霏霏江草齊
六朝如夢鳥空啼
無情最是臺城柳
依舊煙籠十里堤

歲晏同左生作

歲莫鄉關遠天涯手重攜雪埋江樹短雲壓夜城低寶
瑟湘靈怨清砧杜魄啼不須臨皎鏡年長易淒淒

夜雪汎舟遊南溪

大江西面小溪斜入竹穿松似若耶兩岸巖風吹玉樹
一灘明月曠銀砂因尋野渡逢漁舍更泊前灣上酒家
去去不知歸路遠棹聲煙裡獨嘔啞

謁巫山廟

亂猿啼處訪高唐路入煙霞草木香山色未能忘宋玉

水聲猶似哭襄王朝
朝莫莫陽臺下為雨為雲
楚國亡惆悵廟前無限柳
春來空鬪畫眉長

鷓鴣

南禽無侶似相依
錦翅雙雙傍馬飛
孤竹廟前啼莫雨
汨羅祠畔弔殘暉
秦人只解歌為曲
越女空能畫作衣
懊惱澤家非有恨
年年長憶鳳城歸

歲除對王秀才作

我惜今宵促君愁玉漏頻
豈知新歲酒猶作異鄉身
雪

向寅前凍花從子後春到明追此會俱是隔年人

章江作

杜陵歸客正徘徊玉笛誰家叫落梅之子棹從天外去
故人書自日邊來楊花慢惹霏霏雨竹葉閒傾滿滿杯
欲問維揚舊風月一江紅樹亂猿哀

南昌晚眺

南昌城郭枕江煙章水悠悠浪拍天芳草綠遞仙尉宅
落霞紅襯賈人船霏霏閣上千山雨嚙嚙雲中萬樹蟬

怪得地多章句客庾家樓在斗牛邊

衢州江上別李秀才

千山紅樹萬山雲把酒相看日又曛一曲離歌兩行淚
更知何處再逢君

癸丑年下第獻新先輩

五更殘月省牆邊絳旆霓旌卓曉煙千炬火中鶯出谷
一聲鐘後鶴冲天皆乘駿馬先歸去獨被羸童笑晚眠
對酒暫時情豁爾見花依舊涕潸然未酬闋澤傭書債

猶欠君平賣卜錢
何事欲休休不得
來年公道似今年

咸陽懷古

城邊人倚夕陽樓
城上雲凝萬古愁
山色不知秦苑廢
水聲空傍漢宮流
李斯不向倉中悟
徐福應無物外遊
莫怪楚吟偏斷骨
野煙蹤跡似東周

綏州作

雕陰無樹水難流
雉堞連雲古帝州
帶雨晚馳鳴遠戍
望鄉孤客倚高樓
明妃去日花應笑
蔡琰歸時鬢已秋

一曲單于莫烽起扶蘓城上月如鉤

和同年韋學士華下途中見寄

綠楊城郭雨淒淒過盡千輪與萬蹄送我獨遊三蜀路
羨君新上九霄梯馬驚門外山如活花笑尊前客似泥
正是清和好時節不堪離恨劙門西

丙辰年鄜州遇寒食城外醉吟

滿街楊柳綠絲煙畫出清明二月天好是隔簾花樹動
女郎撩亂送鞦韆

又

雕陰寒食足遊人金鳳羅衣濕麝薰腸斷入城芳草路
澹紅香白一羣羣

又

開元坡下日初斜拜掃歸來走鉢車可惜數枝紅艷好
不知今夜落誰家

又

馬騎風疾玉鞭長過去惟留一陣香閒客不須燒破眼

好花皆屬富家郎

又

雨絲煙柳欲清明
金屋人間煥鳳笙
永日迢迢無一事
隔街聞蹴氣逐聲

鄜州留別張員外

江南相送君山下
塞北相逢朔漠中
三楚故人皆是夢
十年陳事只如風
莫言身世他時異
且喜琴尊數日同
惆悵却愁明日別
馬嘶山店雨濛濛

汧陽縣閣

汧水悠悠去似絳遠山如畫翠眉橫僧尋野渡歸吳嶽
鴈帶夕陽入渭城邊靜不收蕃帳馬地貧惟賣隴山鸚
牧童何處吹羌笛一曲梅花出塞聲

傷灼灼

灼灼蜀之麗人也近聞貧且老殂落于成都酒市中因以四韵予之

嘗聞灼灼麗於花雲髻盤時未破瓜桃臉慢長橫綠水
玉肌香膩透紅紗多情不住神仙界薄命曾嫌富貴家
流落錦江無處問斷魂飛作碧天霞

漢州

比儂初到漢州城郭邑樓臺觸目驚松桂影中旌旆色
芰荷風裏管絃聲人心不似經離亂時運還應却太平
十日醉眠金鴈驛臨岐無限臉波橫

長安清明

蚤是傷春夢雨天可堪芳草更芊芊內官初賜清明火
上相間分白打錢紫陌亂嘶紅叱撥綠楊高映畫鞚韁
遊人記得承平事暗喜風光似昔年

秋霽晚景

秋霽禁城晚六街煙雨殘牆頭山色健林外鳥聲歡翹
日樓臺麗清風劒佩寒玉人襟袖薄斜凭翠闌干

和人春莫書事寄崔秀才

半掩朱門白日長晚風輕墮落梅粧不知芳草情何限
只怪遊人思易傷纔見早春鶯出谷已經新夏燕巢梁
相逢只賴如澑酒一曲狂歌入醉鄉

古離別或刻多情

一生風月供惆悵到處煙花恨別離止竟多情何處好
少年長抱少年悲

邊上逢薛秀才話舊

前年同醉武陵亭絕倒閒譚坐到明也有絳唇歌白雪
更憐紅袖奪金觥秦雲一散如春夢楚市千燒作故城
今日幡然對芳草不勝東望涕交橫

飲散呈主人

夢覺笙歌散空堂寂寞秋更聞城角弄煙雨不勝愁

使院黃葵花

薄粧新著澹黃衣對捧金爐侍醮遲向月似矜傾國貌
倚風如唱步虛詞乍開檀炷疑聞語試與雲和必解吹
為報同人看來好不禁秋露即離披

搖落

搖落秋天酒易醒淒淒長似別離情黃昏倚柱不歸去
腸斷綠荷風雨聲

奉和觀察郎中春莫憶花言懷見寄四韵之什

天畔我羣簇簇青楚雲何處隔重局落花帶雪埋芳草
春雨和風濕畫屏對酒莫辭衝莫角望鄉誰解倚高亭
惟君信我多惆悵只願陶陶不願醒

奉和左司郎中春物暗度感而成章

纔喜新春已莫春夕陽吟殺倚樓人錦江風散霏霏雨
花市香飄漠漠塵今日尚追巫峽夢少年應遇洛川神
有時自患多情病莫是生前宋玉身

少年行

五陵豪客多買酒
黃金賤醉下酒家
樓美人雙翠幘揮
劍邯鄲市走馬梁
王苑樂事殊未央
年華已云晚

令狐亭

若非天上神仙宅
須是人間將相家
想得當時好煙月
管絃吹殺後庭花

閨月

明月照前除
煙華蕙蘭濕
清風行處來
白露寒蟬急
美
人情易傷暗
上紅樓立欲言
無處言但向姮
娥泣

閨怨

戚戚彼何人明眸利於月啼粧曉不乾素面凝香雪良
人去淄右鏡破金簪折空藏蘭蕙心不忍琴中說

上春詞

瞳曨赫日東方來禁城煙煖蒸青苔金樓美人花屏開
晨粧未罷車聲催幽蘭報暖紫芽折天花愁艷蝶飛迴
五陵年少惜花落酒濃歌極翻如哀四時輪環終又始
百年不見南山摧遊人陌上騎生塵顏子門前吹死灰

擣練篇

月華吐艷明燭燭青樓
婦唱擣衣曲白袷絲光織魚目
菱花綬帶鴛鴦簇臨風
縹疊秋雪月下丁冬擣寒玉
樓蘭欲寄在何鄉
憑人與繫征鴻足

雜體聯錦

攜手重攜手夾江金線柳
江上柳能長行人戀尊酒尊
酒意何深為郎歌玉簪玉簪聲斷續
鉶軸鳴雙轂雙轂去
何方隔江春樹綠樹綠酒旗高
淚痕沾繡袍袍縫紫

鶯鶯重持金錯刀錯刀何燦爛使我腸千斷腸斷欲何言簾動真珠繁真珠綴秋露秋露沾金盤金盤湛瓊液仙子無歸迹無迹又無言海煙空寂寂寂寂古城道馬嘶芳岸草岸草接長堤長堤人解攜解攜忽已久緬邈空回首回首隔天河恨唱蓮塘歌蓮塘在何許日暮西

山雨

長安春

長安二月多香塵六街車馬聲辚辚家家樓上如花人

千枝萬枝紅艷新簾間笑語自相問何人占得長安春
長安春色本無主古來盡屬紅樓女如今無奈杏園人
駿馬輕車擁將去

撫盈歌

鳳縠兮鴛銷霞疎兮綺寮玉庭兮春晝金屋兮秋宵愁
瞳兮月皎笑頰兮花嬌羅輕兮濃麝室煖兮香椒鑾輿
去兮蕭屑七絲斷兮沈寥主父卧兮漳水君王幸兮雲
輶鉛華窅窕兮瓊姿棠公肸蠁兮靡依翠華長逝兮莫

追晏相望門兮空悲

贈峨嵋山彈琴李處士

識者咸云數百歲
有常建贈詩在

峨嵋山下能琴客似醉似狂人不測何須見我眼偏青
未見我身頭已白茫茫四海本無家一片愁雲颶秋碧
壺中醉臥日月明世上長遊天地窄晉朝叔夜舊相知
蜀郡文君小來識後生常建彼何人贈我篇章苦雕刻
名卿名相盡知音遇酒遇琴無間隔如今世亂獨翛然
天外鴻飛招不得余今正泣楊朱淚八月邊城風刮地

霓旌絳旆忽相尋為我尊前橫綠綺一彈猛雨隨手來
再彈白雪連天起淒淒清清松上風咽咽幽幽龍頭水
吟蜂繞樹去不來別鶴引離飛不止錦鱗不動惟側頭
白馬仰聽空豎耳廣陵故事無人知古人不說今人疑
子期子野俱不見鳥啼鬼哭空傷悲坐中詞客悄無語
簾外月華庭欲午為君吟作聽琴歌為我留名係仙譜

江皋贈別

金管多情恨解攜一聲歌罷客如泥江亭繫馬綠楊短

野岸維舟春草齊帝子夢魂煙水闊謝公詩思碧雲低
風前不用頻揮手我有家山白日西

李山甫八首

寒食

柳帶東風一向斜春陰澹澹蔽人家有時三點兩點雨
到處十枝五枝花萬井樓臺疑繡畫九原珠翠似煙霞
年年今日誰相問獨臥長安泣歲華

又

風煙放蕩花披猖鞶女兒飛出牆繡袍馳馬拾遺翠
錦袖鬪雞喧廣場天地氣和融霽色池臺日暖燒春光
自憐塵土無他事空脫荷花泥醉鄉

牡丹

邀勒春風不蚤開衆芳飄後上樓臺數苞仙艷火中出
一片異香天上来曉露精神妖欲動莫煙情態恨成堆
知君也解相輕薄斜凭闌干首重迴

寓懷

萬古交馳一片塵思量名利孰如身長疑好事皆虛事
却恐閒人是貴人老逐少來終不放辱隨榮後直須勸
勸君莫謾誇頭角夢裡輸贏總未真

公子家

曾是皇家幾世侯入雲高第照神州柳遮門戶橫金鎖
花擁絃歌咽畫樓錦袖妬姬爭巧笑玉銜驕馬索閒遊
麻衣酷獻平生業醉倚春風不點頭

又

柳底花陰壓露塵瑞煙輕罩一園春鴛鴦占水能嗔客
鸚鵡嫌籠解罵人驥裏似龍隨日換輕盈如燕逐年新
不知買盡長安笑活得蒼生幾戶貧

上元懷古

南朝天子愛風流盡守江山不到頭總是戰爭收拾得
却因歌舞破除休堯行道德終無敵秦把金湯可自由
試問繁華何處在雨苔煙草古城秋

又

爭帝圖王德盡衰驟興馳霸亦何為君臣都是一場笑
家國共成十載悲排岸遠牆森似梨落波殘照燁如旗
今朝城上難迴首不見樓船索戰時

李洞

五首

終南山二十韵

關內平田窄東西截杳冥雨侵諸縣黑雲破九門青晉
看猶無暇長栖信有靈古苔秋漬斗積霧夜昏螢怒恐
撞天漏深疑隱地形盤根連北岳轉影落南溟窮穴何

山出遮蠻上國寧殘陽高照蜀敗葉遠浮涇劚竹煙嵐
凍偷湫雨電腥閒房僧灌頂浴澗鶴遺翎梯滑危緣索
雲深靜唱經放泉驚鹿睡聞磬得人醒踏著神仙宅敲
開洞府扃基殘秦土局字缺晉公銘一谷榜開午孤峰
聳起丁遠平丹鳳闕冷射五侯廳萬丈水聲折千尋樹
影亭望中仙島動行處月輪馨疊石移臨砌研膠滌上
屏明時獻君壽不假老人星

覽驢

蹇驢秋斃瘞荒田忍把敲吟舊竹鞭三尺桐輕背殘月
一條藤瘦斬寒煙通吳白浪寬圍國倚蜀青山峭入天
如畫海門揩肘看阿誰教賣釣魚船

贈龐鍊師

女人

家住涪江漢語嬌一聲歌戛玉樓簫睡融春日柔金縷
粧發秋霞戰翠翹兩臉酒醺紅杏妬半胸酥嫩白雲饒
若能攜手隨仙令皎皎銀河渡鵠橋

客亭對月

遊子離魂罷上花風飄浪卷繞天涯一年十二度圓月
十一迴圓不在家

病猿

瘦纏金鎖惹朱樓一別巫山樹幾秋寒想蜀門清露滴
暖懷湘岸白雲流罷能拋簷果沉僧井休拗崖冰濺客舟
啼過三聲應有淚畫堂深不徹王侯

薛逢

一首

題昭華公主廢池館

曾發簫聲水檻前夜蟾寒沼兩婵娟微波有恨終歸海
明月無情却上天白鳥帶將簾外雪綠蘋枯盡渚中蓮
浮華不向莊周住須讀南華齊物篇

裴庭裕一首

偶題

微雨微風寒食節半開半合木蘭花看花倚柱終朝立
却似淒淒不在家

李昂一首

戚夫人楚舞歌

定陶城中是妾家妾年二八顏如花閨中歌舞未終曲
天下死人如亂麻漢王此地因征戰未出簾櫳人已薦
風花菡萏落轅門雲雨徘徊入行殿日夕悠悠非舊鄉
飄飄處處逐君王玉閨門裏通歸夢銀燭迎來在戰場
從來顧恩不顧已何異浮萍寄深水逐戰曾迷隻輪下
隨君幾陷重圍裏此時平楚復平齊咸陽宮闕到關西
珠簾夕殿聞鐘鼓白日秋天憶鼓鼙君王縱恣翻成悟

呂后由來有深妬不奈君王容鬢衰相存相顧能幾時
黃泉白骨不可報雀釵翠羽從此辭君楚歌兮妾楚舞
脉脉相看兩心苦曲未終兮袂更揚君流涕兮妾斷腸
已見謀臣歸惠帝徒留愛子付周昌

沈佺期

二首

古意呈喬補闕知之

搜玉小集作
古意○小異

盧家少婦鬱金堂海燕雙栖玳瑁梁九月寒砧催木葉
十年征戍憶遼陽白狼河北音書斷丹鳳城南秋夜長

誰為含愁獨不見更教明月照流黃

雜詩

搜玉小集作春閨○小異

鐵馬三軍去金闕二月還邊愁歸上國春夢入陽關池
水瑠璃淨園花玳瑁班歲華空自擲愁黛不勝顏

王泠然

一首

題河邊枯柳

或刻汴河柳。
搜玉集小異

隋家天子憶揚州厭坐深宮傍海遊穿池鑿山開御路
鳴笳疊鼓汎春流流從鞏北分河口直到淮南種官柳

功成力盡人旋亡運謝年移樹空有當時綠女侍君王
帳殿旌門對柳行青葉交垂連幔色白花飛度染衣香
今日摧殘何用道數里曾無一枝好驛騎征帆損更多
山精野魅藏應老涼風八月露為霜日夜孤帆入帝鄉
河畔時時聞落木客中無箇不沾裳

何扶

一首

送閬州妓人歸老

竹翠蟬娟草徑幽佳人歸老傍汀洲玉蟾露冷染塵暗

金鳳花開雲鬢秋十畝稻香新綠野一聲歌斷舊青樓
芭蕉半卷西池雨日暮門前雙白鷗

汪遵

一首

題李太尉平泉莊

平泉水木好高眠嵩少縱橫滿目前惆悵人間不平事
今朝身在海南邊

高適

一首

燕歌行

并序。英靈小序云開元二十六年客從御史張公出塞而還者下文同

開元三十六年客有從元戎出塞而還者作
燕歌行以示適感征戍之事因而和焉

漢家煙塵在東北漢將辭家破殘賊男兒本自重橫行
天子非常賜顏色挺金伐鼓下榆關旌旆逶迤碣石間
校尉羽書飛瀚海單于獵火照狼山山川蕭條極邊土
胡騎憑陵雜風雨戰士軍前半死生美人帳下猶歌舞
大漠窮秋塞草腓孤城落日鬪兵稀身當恩遇恒輕敵
力盡關山未解圍鐵衣遠戍辛勤久玉筋應啼別離後

少婦城南欲斷腸。征人薊北空回首。
邊庭飄颻那可度。絕域蒼茫無所有。
殺氣三時作陣雲。寒聲一夜傳刁斗。
相看白刃血紛紛。死節從來豈顧勲。
君不見沙場征戰苦。至今猶憶李將軍。

孟郊 一首

古結愛

或無
古字

心心復心心。結愛務在深。
一度欲離別。千迴結衣襟。
結妾獨守志。結君早還意。
始知結衣裳。不如結心腸。
坐結

行亦結結盡百年月

陸龜蒙

五首

汝墳湖

吳王葬女之所

水平波淡繞迴塘鶴殉人沉萬古傷應是離魂雙不得
至今沙上少鴛鴦

宿木蘭院

苦吟清漏迢迢極月過花西尚未眠猶憶故山欹警枕
夜來鳴咽似流泉

薔薇或刻皮日休

濃似猩猩初染素輕於燕燕欲凌空可憐細麗難勝日
照得深紅作淺紅

春夕酒醒

幾年無事傍江湖醉到黃公舊酒爐覺後不知新月上
滿身花影倩人扶

齊梁怨別

寥寥缺月看將落簷外霜華染羅幕不知蘭棹到何山

應倚相思樹邊泊

張籍

七首

寄遠客

或刻思
遠人

野橋春水清橋上送君行去去人應老年年草自生出
門看遠道無路向邊城楊柳別離處秋蟬今復鳴

宿溪中驛

或刻宿
臨江驛

楚驛南渡口夜深來客稀月明見潮上江靜覺鷗飛旅
宿今已遠此行猶未歸離家久無信又聽搗寒衣

惜別

集作春
日留別

遊人欲別離半醉對花枝看著春又晚莫輕年少時臨行記分處回首是相思各向天涯去重來不可期

襄國別人

晚色荒城下相看秋草時獨遊無定計不欲道來期別處去家遠愁中驅馬遲歸人渡煙水遙映野棠枝

送蜀客

蜀客南行過碧溪木綿花發錦江西山橋日晚人來少

時見猩猩樹上啼

御覽集過作祭溪
作雞人來作行人

送友人盧處士遊吳越

送君東去見殘梅惟有王孫獨未回吳苑夕陽明古堞
越宮春草上高臺波生野水雁初下風滿驛樓潮欲來
試問漁舟看雪浪幾多江燕荷花開

蘓州江岸留別樂天

銀泥裙映錦障泥畫舸停橈馬簇蹄清管曲終鸚鵡語
紅旛影動薄寒嘶漸消酒色朱顏淺欲話離情翠黛低

莫忘使君吟咏處女墳湖北武丘西

曹鄴二首

故人寄茶

劎外九華英緘題下玉京開時微月上碾處亂泉聲半
夜招僧至孤吟對月烹碧沉霞脚碎香泛乳花輕六腑
睡神去數朝詩思清月餘不敢費留伴肘書行

始皇陵下作

千金買魚燈泉下照孤兎行人上陵過却弔扶蘿墓索

衆廣下物多於養生具若使山可移應將秦國去舜殺
雖在前今猶未封樹

才調集卷三

欽定四庫全書

才調集卷四目錄

杜牧

三十三首

題桐葉

題齊安城樓

揚州

又

九日齊安登高

早鴈

舊遊

村舍燕

題宣州開元寺水閣

為人題贈

又

池州春日送人

長安送人

過華清宮

又

街西

江南春

寄人

寄遠

南陵道中

寄遠

赤壁

月

隋苑

遺懷

題水口草市

漢江

柳

傷友人悼吹簫妓

贈別

又

泊秦淮

代人寄遠

又

張泌十八首

惜花

寄人

又

邊上

長安道中蚤行

洞庭阻風

春日旅泊桂州

晚次湘源縣

惆悵吟

秋晚過洞庭

題華嚴寺木塔

經舊遊

碧戶

芍藥

春晚謠

所思

春夕言懷

春江雨

戴叔倫

四首

早行寄朱山人放

巡諸州漸次空靈戍

贈韓道士

潭州使院書情寄江夏賀蘭副端

宋邕

一首

春日

曹唐

二十四首

病馬五首呈鄭校書章三吳十五先輩

又

又

又

劉晨阮肇遊天台

劉阮洞中遇仙

仙子送劉阮出洞

仙子洞中有懷劉阮

劉阮再到天台不復見仙子

張碩重寄杜蘭香

玉女杜蘭香下嫁於張碩

簫史攜弄玉上昇

黃初平將入金華山

織女懷牽牛

漢武帝思李夫人

小遊仙

又

又

長安春舍叙邵陵舊宴懷永門蕭史君

又

又

又

又

施肩吾

二首

夜讌曲

代征婦怨

趙光遠

三首

題北里妓壁

咏手

又

孫榮

四首

贈妓人

題妓王福娘牆

題北里妓人壁

又

崔珏

七首

和友人鴛鴦之什

又

又

有贈

又

和人聽歌

又

司空曙

三首

病中遣妓

江村即事

一
峽口送友人

項斯一首

咸陽送處士

欽定四庫全書

才調集卷四

唐 韋穀 撰

杜牧

三十三首

題桐葉

去年桐落故溪上
把葉因題歸燕詩
江樓今日送歸燕
正是去年題葉時
葉落燕歸真可惜
東流玄髮且無期
笑筵歌席反惆悵
朗月清風見別離
莊叟彭殤同在夢
陶潛身世兩相遺
一丸五色成虛語
石爛松薪更不疑

哆侈不勞文似錦進趨何必利如錐錢神任爾知無敵
酒聖本集作量於吾亦庶幾江畔秋光蟾閣鏡檻前山色茂
陵眉尊香輕汎數枝菊簷影斜侵半局棋休指宦遊論
巧拙只將愚直禱神祇三吳煙水平生念寧向閒人道
所之

題齊安城樓

嗚軋江樓角一聲微陽澈澈落寒汀不用憑欄苦回首
故鄉七十五長亭

揚州

煬帝雷塘土迷藏有舊樓誰家唱水調明月滿揚州

煬帝

開汴渠集而成水調駿馬宜閑出千金好暗遊喧闐醉年少半脫

紫茸裘

又

秋風放螢苑春草鬪雞臺金絡擎雕去鸞鬟拾翠來蜀
船紅錦重越索水沉堆處處皆華表淮王奈却迴

九日齊安登高

江涵秋影鴈初飛與客攜壺上翠微塵世難逢開口笑
菊花須插滿頭歸但將酩酊酬佳節不用登臨歎落暉
古往今來只如此牛山何必獨沾衣

早鴈

金河秋半虜絃開雲外驚飛四散哀仙掌月明孤影過
長門燈暗數聲來須知胡馬紛紛在豈逐春風一一迴
莫厭瀟湘少人處水多菰米岸莓苔

舊遊

閒吟芍藥詩悵望久嚬眉盼眄回眸遠纖衫整鬢遲重
尋春晝夢笑把淺花枝小市長陵住非郎爭得知

村舍燕

漢宮一百四十五多下珠簾閉鎖窗何處營巢夏將半
茅簷煙裏語雙雙

題宣州開元寺水閣

閣下宛溪
夾溪居人

六朝文物草連空天淡雲間今古同鳥去鳥來山色裏
人歌人哭水聲中深秋簾幕千家雨落日樓臺一笛風

惆悵無因見范蠡參差煙樹五湖東

為人題贈

我乏凌雲稱君無買笑金虛傳南國貌爭奈五陵心桂
席塵瑤珮瓊爐燼水沉凝魂輕薦夢低耳悔聽琴日落
珠簾卷春寒錦幙深誰家樓上笛何處月明砧蘭徑飛
蝴蝶筠籠語翠禽和簪拋鳳髻將淚入鴛衾的的添新
恨迢迢絕好音文園終病渴休咏白頭吟

一
又

綠樹鶯鶯語平江燕燕飛枕前聞雁去樓上送春歸半
月緝雙臉凝腰素一圍西牆苔漠漠南浦夢依依有恨
簪花嬾無憇鬪草稀雕籠長慘澹蘭畹漫芳菲鏡斂青
娥黛燈拋皓腕肌避人匀迸淚拖袖倚殘暉有貌雖桃
李單栖足是非雲輦載馭去寒夜看裁衣

池州春日送人

集作池州春送
前進士刺史速

芳草復芳草斷腸還斷腸自然堪下淚何必更殘陽楚
岸千萬里燕鴻三兩行有家歸未得況舉別君觴

長安送人

集作長安送人遊湖南

子性極弘和愚衷深褊狷相捨囂謔中吾過何由鮮楚
國饒風煙湘岸苦紫宛山密夕陽多人稀芳草遠青梅
繁枝低斑筍新梢短奠哭葬魚人酒醒且眠飯

過華清宮

或刻驪山感舊

新豐綠樹起黃埃數騎漁陽探使迴霓裳一曲千峰上
舞破中原始下來

又

長安迴望繡成堆
山頂千門次第開
一騎紅塵妃子笑
無人知道荔枝來

街西

碧池新漲浴嬌鴉
深鎖長安富貴家
遊騎偶同人鬪酒
名園相倚杏交花
銀鞍驥裏嘶宛馬
繡鞅璁瓈走鉏車
一曲將軍何處笛
連雲芳樹日將斜

江南春

千里鶯啼綠映紅
水村山郭酒旗風
南朝四百八十寺

多少樓臺煙雨中

寄人

集作寄揚州
韓綽判官

青山隱隱水迢迢秋盡江南草木凋二十四橋明月夜

玉人何處教吹簫

寄遠

前山遠極碧雲合清夜一聲白雪微欲寄相思千里月
傍溪殘照雨霏霏

南陵道中

或誤作
寄遠

南陵水面謾悠悠風緊雲輕欲變秋正是客心孤迴處

誰家紅袖倚江樓

寄遠

隻影隨驚雁單栖鎖畫籠向春羅袖薄誰念舞臺風

赤壁

折戟沉沙鐵未銷自將磨洗認前朝東風不與周郎便

銅雀春深鎖二喬

月

三十六宮秋夜深昭陽歌斷信沉沉惟應獨伴陳皇后
照見長門望幸心

隋苑或刻定子注定
子牛相小青

紅霞一抹廣陵春定子當筵睡臉新却笑丘墟隋煬帝
破家亡國為誰人

遣懷或刻題
揚州

落托江南載酒行楚腰纖細掌中輕十年一覺揚州夢
贏得青樓薄倖名

題水口草市

倚溪侵嶺多高樹
誇酒書旗有小樓
驚起鴛鴦豈無恨
一雙飛去却回頭

漢江

溶溶漾漾白鷗飛
綠淨春深好染衣
南去北來人自老
夕陽長送釣船歸

柳

日落水流西復東
春光不盡柳何窮
巫娥廟裏低含雨

宋玉宅前斜帶風不將榆英共爭翠深感杏花相映紅
灞上漢南千萬樹幾人遊宦別離中

傷友人悼吹簫妓

玉簫聲斷歟流年滿眼春愁隴上煙艷質已隨雲雨散
鳳樓空鎖月明天

贈別

娉娉裊裊十三餘豆蔻梢頭二月初春風十里揚州郭
卷上珠簾總不如

又

多情却似總無情但覺尊前笑未成蠟燭有心還惜別
替人垂淚到天明

泊秦淮

煙籠寒水月籠沙夜泊秦淮近酒家商女不知亡國恨
隔江猶唱後庭花

代人寄遠二首

一本作
一首

河橋酒旆風軟候館梅花雪嬌宛陵樓上春晚我郎何

處情饒

又

繡領任垂蓬髻丁香閒結春稍賸宵新年歸否江南緣
草迢迢

張泌十八首

惜花

蝶散鶯啼尚數枝日斜風定更離披看多記得傷心事
金谷樓前委地時

寄人

別夢依依到謝家
小廊迴合曲闌斜
多情只有春庭月
猶為離人照落花

又

酷憐風月為多情
還到春時別恨生
倚柱尋思倍惆悵
一場春夢不分明

邊上

戍樓吹角起征鴻
獵獵寒旌背晚風
千里暮煙愁不盡

一川秋草恨無窮山河慘澹關城閉人物蕭條市井空
只此旅魂招未得更堪回首夕陽中

長安道中蚤行

客離孤館一燈殘牢落星河欲曙天雞唱未沉函谷月
雁聲新度灞陵煙浮生已悟莊周蝶壯志仍輸祖逖鞭
何事悠悠策羸馬此中辛苦過流年

洞庭阻風

空江浩蕩景蕭然盡日菰蒲泊釣船青草浪高三月渡

綠楊花撲一溪煙
情多莫舉傷春目
愁極兼無買酒錢
猶有漁人數家住
不成村落夕陽邊

春日旅泊桂州

暖風芳草竟芊綿
多病多愁負少年
弱柳未勝寒食雨
好花爭奈夕陽天
溪邊物色堪圖畫
林伴鶯聲似管絃
獨有離人開淚眼
強憑杯酒亦潸然

晚次湘源縣

煙郭遙聞向晚雞
水平舟靜浪聲齊
高林帶雨楊梅熟

曲岸籠雲謝豹啼二女廟荒汀樹老九疑山碧楚天低
湘南自古多離怨莫動哀吟易慘悽

惆悵吟

秋風丹葉動荒城慘澹雲遮日半明晝夢却因惆悵得
晚愁多為別離生江淹彩筆空留恨莊叟玄譚未及情
千古怨魂銷不得一江寒浪若為平

秋晚過洞庭

征帆初挂酒初酣莫景離情兩不堪千里晚霞雲夢北

一洲霜猶洞庭南溪風送雨過秋寺磽石驚龍落夜潭
莫把羈魂弔湘魄九愁凝絕鎖煙嵐

題華嚴寺木塔

六街晴色動秋光雨霽憑高只易傷一曲晚煙浮渭水
半橋斜日照咸陽休將世路悲塵事莫指雲山認故鄉
回首漢宮樓閣莫數聲鐘鼓自微茫

經舊遊

暫到高唐曉又還丁香結夢水潺潺不知雲雨歸何處

歷歷空留十二山

碧戶

碧戶局魚鑠蘭窗掩鏡臺落花疑悵望歸燕自徘徊
絮知難敵傷春不易裁恨從芳草起愁為晚風來衣惹
湘雲薄眉分楚岫開香濃眠舊枕夢好醉春杯小障明
金鳳幽屏點翠苔寶箏橫塞雁怨笛落江梅卓氏仍多
酒相如正富才莫教琴上意翻作鶴聲哀

一 芍藥

香清粉澹怨殘春蝶翅蜂鬢戀蕊塵間倚晚風生悵望
靜留遲日學因循休將薜荔為青鎖好與玫瑰作近鄰
零落若教隨莫雨又應愁殺別離人

春晚謠

雨微微煙霏霏小庭半折紅薔薇鉏筆斜倚畫屏曲零
落幾行金雁飛蕭闌夢斷無尋處萬疊春波起南浦凌
亂楊花撲繡簾晚窗時有流鶯語

所思

空塘水碧春雨微東風散漫楊柳飛依依南浦夢猶在
脉脉高唐雲不歸江頭日暮多芳草極目傷心煙悄悄
隔江紅杏一枝明似玉佳人俯清沼休向春臺更迴望
銷魂自古多惆悵銀河碧海共無情兩處悠悠起風浪

春夕言懷

風透疎簾月滿庭倚欄無事倍傷情煙垂柳帶纖腰軟
露滴花房怨臉明愁逐野雲銷不盡情隨春浪去難平
幽窗謾結相思夢欲化西園蝶未成

春江雨

雨溟溟風零零老松瘦竹臨煙汀空江冷落野雲重村
中鬼火微如星夜驚溪上漁人起滴漿蓬聲滿愁耳子
規叫斷獨木眠罨岸春濤打船尾

戴叔倫

四首

早行寄朱山人

放日行或刻秋

山曉旅人去天高秋氣悲明河川上沒芳草露中衰此
別又千里少年能幾時青冥剡溪路心與謝公期

巡諸州漸次空靈成

寒盡鴻先至春回空未歸蚕知名是幻不敢繡為衣霧
積川原暗山多郡縣稀明朝下湘岸更逐鷓鴣飛

贈韓道士

日落秋風吹野花上清歸客意無涯桃源寂寂煙雲閉
天路悠悠星漢斜還似世人生白髮定知仙骨變黃芽
東城南陌遙相見應是壺中別有家

潭州使院書情寄江夏賀蘭副端

雲雨一蕭散悠悠關復河俱從汎舟役近隔洞庭波楚
水去不盡秋風今又過無因得相見却恨寄書多

宋邕

一首

春日

輕花細葉滿林端昨夜春風曉色寒黃鳥不堪愁裏聽
綠楊宜向雨中看

曹唐

二十四首

病馬五首呈鄭校書章三吳十五先輩

驥駢何年別渥洼
病來顏色半泥沙
四蹄不鑿金砧裂
雙眼慵閑玉筋斜
墮月兔毛乾
鞍轡失雲龍
骨瘦牙槎
平原好牧無人放
嘶向秋風苜蓿花

又

隴上沙葱葉正齊
騰黃猶自跕羸蹄
尾蟠夜雨紅絲脆
頭捽秋風白練低
力憊未思金絡腦
影寒空望錦障泥
階前莫怪垂雙淚
不遇孫陽不敢嘶

又

不剪焦毛鬢半翻
何人別是古龍孫
雪侵病骨無驕氣
土蝕驄花見臥痕
未噴斷雲歸漢苑
曾追輕練過吳門
一朝千里心猶在
誰肯潛施秣飼恩

又

空被秋風吹病毛
無因濯浪刷洪濤
臥來總怪龍蹄距
瘦盡誰驚虎口高
追電有心猶歛段
逢人相骨強嘶號
欲將簪鬢重裁剪
乞借新成利鋸刀

又

病久無人著意看玉華衫色欲凋殘飲驚白露泉花冷
喫怕清風豆葉寒長檐敢辭紅錦重舊韁寧畏紫絲蟠
王良若許相攬策千里追風也不難

劉晨阮肇遊天台

樹入天台石路新雲和草靜迥無塵煙霞不省生前事
水木空疑夢後身往往雞鳴岩下月時時犬吠洞中春
不知此地歸何處須就桃源問主人

劉阮洞中遇仙

天和樹色靄蒼蒼霞重嵐深路渺茫雲竇滿山無鳥雀
水聲沿澗有笙簧碧沙洞裏乾坤別紅樹枝邊日月長
願得花間有人出免令仙犬吠劉郎

仙子送劉阮出洞

懸勤相送出天台仙境那能却再采雲液既歸須強飲
玉書無事莫頻開花當洞口應長在水到人間定不迴
惆悵溪頭從此別碧山明月照蒼苔

仙子洞中有懷劉阮

不將清瑟理霓裳
塵夢那知鶴夢長
洞裏有天春寂寂
人間無路月茫茫
玉沙瑤草連溪碧
流水桃花滿澗香
曉露風燈零落盡
此生無處訪劉郎

劉阮再到天台不復見仙子

再到天台訪玉真
青苔白石已成塵
笙歌寂寞惟深洞
雲鶴蕭條絕舊鄰
草樹總非前度色
煙霞不似昔年春
桃花流水依然在
不見當時勸酒人

張碩重寄杜蘭香

碧落香銷蘭露秋星河無夢夜悠悠靈妃不降三清駕
仙鶴空成萬古愁皓月隔花追歎別瑞煙籠樹省淹留
人間何事堪惆悵海色西風十二樓

王女杜蘭香下嫁於張碩

天上人間兩渺茫不知誰識杜蘭香來經玉樹三山遠
去隔銀河一水長怨入清塵愁錦瑟酒傾玄露醉瑤觴
遺情更說何珍重擘破雲鬟金鳳皇

蕭史攜弄玉上昇

豈是丹臺歸路遙
紫鸞煙駕不同飄
一聲洛水傳幽咽
萬片宮花共寂寥
紅粉美人愁未散
清華公子笑相邀
緜山碧樹青樓月
腸斷春風為玉簫

黃初平將入金華山

莫道真遊煙景賒
瀟湘有路入金華
溪頭鶴樹春常在
洞口人家日易斜
一水暗鳴閒繞澗
五雲長往不還家
白羊成隊難收拾
喫盡溪邊巨勝花

織女懷牽牛

北斗佳人雙淚流
眼穿腸斷為牽牛
封題錦字凝新恨
拋擲金梭結舊愁
桂樹三春煙漠漠
銀河一水夜悠悠
欲將心向仙郎說
借問榆花早晚秋

漢武帝思李夫人

惆悵朱顏不復歸
晚秋黃葉滿天飛
迎風細荇傳香粉
隔水殘霞見畫衣
白玉帳寒鴛夢絕
紫陽宮遠雁書稀
夜深池上蘭橈歇
斷續歌聲徹太微

小遊仙

偷來洞口訪劉君，緩步輕擡綠繡裙。
細拍桃花擲流水，更無言語倚彤雲。

又

風動閒天清桂陰，水精簾外冷沈沈。
西妃少女多春思，斜倚彤雲盡日吟。

又

方士飛軒駐碧霞，酒香風冷月初斜。
不知誰唱歸春曲，落盡溪頭白葛花。

長安春舍叙邵陵舊宴懷永門蕭使君

邵陵佳樹碧蔥龍河漢西沉宴未終殘漏五更傳海月
清笳三會揭天風香薰舞席雲鬟綠光射頭盤蠟燭紅
今日却懷行樂處兩牀絲竹水樓中

又

不知何路却飛翻虛受賢侯鄭重恩五夜清歌敲玉樹
三年洪飲倒金尊招攜永感雙魚在報答空知一劍存
狼籍梨花滿城月當時長醉信陵門

又

粉疊彤軒畫障西水雲紅樹窣璇題鶴鵠欲絕歌聲定
鸕鷀初驚舞袖齊坐對玉山空甸線細聽金石怕低迷
東風夜月三年飲不省非時不似泥

又

木魚金鑰鎖重城夜上紅樓縱酒情竹葉水繁更漏促
桐花風軟管絃清百分散打銀船溢十指寬催玉筯輕
星斗漸稀賓客散碧雲猶戀艷歌聲

又

三年身逐漢諸侯
賓榻容居最上頭
飽聽笙歌陪痛飲
熟尋雲水縱閒遊
朱門鎖閉煙嵐暮
鈴閣清冷水木秋
月滿前山圓不動
更邀詩客上高樓

施肩吾

二首

夜讌曲

蘭缸如晝買不眠
玉爐夜起沈香煙
青娥一行十二仙
欲笑不笑桃花燃
碧窗弄嬌梳洗晚
戶外不知銀漢轉

被郎嗔罰屠蘦盞酒入四肢紅玉軟

代征婦怨

寒窗羞見影相隨嫁得五陵輕薄兒長短艷歌君自解
淺深更漏妾偏知畫裙多淚鴛鴦濕雲鬢慵梳玳瑁垂
何事不看霜雪裏堅貞惟有古松枝

趙光遠

三首

題北里妓人壁

魚鑰獸環斜掩門萋萋芳草憶王孫醉凭青瑣窺韓壽

閒擲金梭惱謝琨不夜珠光連玉匣辟寒釵影落瑤尊
欲知腸斷相思處役盡江淹別後魂

咏手

粧成皓腕洗凝脂背接紅巾掬水時薄霧袖中拈玉筯
斜陽屏上撚青絲喚人急拍臨前檻摘杏高擅近曲池
好是琵琶絃畔見細圓無節玉參差

又

撚玉磋瓊軟復圓綠窗誰見上琴絃慢籠彩筆閒書字

斜指瑤堦笑打錢指面試香添麝炷舌頭輕點貼金鉢
象床珍簟宮棊處拈定文楸占角邊

孫棨

四首

贈妓人

綵翠仙衣紅玉膚輕盈年在破瓜初霞杯醉勸劉郎賭
雲髻慵邀阿母梳不怕寒侵緣帶寶每憂風舉倩持裾
謾圖西子晨粧樣西子元來未得如

題妓王福娘牆

或混作題北里
妓人壁三首

移壁迴窗費幾朝指鑲偷解博紅椒無端鬪草輸鄰女
更被拈將玉步搖

題北里妓人壁

寒繡衣裳餉阿嬌新團香獸不禁燒東鄰起樣裙腰闊
剩蹙黃金線幾條

又

試共卿卿語笑初畫堂連遣侍兒呼寒肌不耐金如意
白獮為膏郎有無

崔珏七首

和友人鴛鴦之什

翠鬢紅毛舞夕暉水禽情似此禽稀暫分煙島猶回首
只渡寒塘亦竝飛暝霧盡迷珠殿瓦逐梭齊上玉人機
採蓮無恨蘭橈女笑指中流羨爾歸

又

寂寂春塘煙晚時兩心如影共依依溪頭日暖眠沙穩
渡口風寒浴浪稀翡翠莫誇饒彩飾鷓鴣須羨好毛衣

蘭深芷密無人見相逐相呼何處歸

又

舞鶴翔鸞俱別離可憐生死兩相隨紅絲堯落眠汀處
白雪花成蹙浪時琴上只聞交頸語窗前空展共飛詩
何如相見長相對宵美人間多所思

有贈

莫道粧成斷客腸粉胸綿手白蓮香煙分頂上三層綠
劍截眸中一寸光舞勝柳枝腰更軟歌嫌珠貫曲猶長

雖然不似王孫女解愛臨邛賣賦郎

又

錦里芬芳少佩蘭風流全占似君難心迷曉夢窗猶暗
粉落香肌汗未乾兩臉夭桃從鏡發一眸春水照人寒
自嗟此地非吾土不得如花歲歲看

和人聽歌

氣吐幽蘭出洞房樂人先問調宮商聲和細管珠纔轉
曲度沉煙雪更香公子不隨腸萬結離人須落淚千行

巫山唱罷行雲過猶自微塵舞畫梁

又

紅臉初分翠黛愁
錦筵歌板拍清秋
一樓春雪和塵落
午夜寒泉帶雨流
座上美人心盡死
尊前旅客淚難收
莫辭更送劉郎酒
百斛明珠異日酬

司空曙

三首

病中遣妓

萬事傷心在目前
一身垂淚對花眠
黃金用盡教歌舞

留與他人樂少年

江村即事

罷釣歸來不繫船
江村月落正堪眠
縱然一夜風吹去
只在蘆花淺水邊

峽口送友人

峽口花飛欲盡春
天涯去住淚沾巾
來時萬里同為客
今日翻成送故人

項斯

一首

咸陽送處士

古道白迢迢咸陽離別橋
越人無水處秦樹帶霜朝駐
馬言難盡分程望易遙秋來未相見
此意各蕭條



才調集卷四